

Mensahe 5

**Si Esdras, nga Sacerdotehanong Escriba,
ug ang Panginahanglan og Mga Esdras—
Ang Mga Batid sa Pulong sa Dios**

Basahong Kasulatan: Esd. 7:6, 11-12, 21; 8:21-23;
Neh. 8:1-9, 11-13; 12:26

- I. Sacerdote si Esdras ug escriba sab; busa, dili siya escriba sa letra kondili sacerdotehanong escriba—Esd. 7:6, 11-12, 21; Neh. 8:1-2, 8-9, 11-12; 12:26:**
- A. Ang sacerdote tawo nga nasagol ug nasuropan sa Ginoo; ingon niana nga tawo si Esdras—Esd. 8:21-23.
 - B. Tawo si Esdras nga nisalig sa Dios, nausa sa Dios, batid sa Pulong sa Dios, ug nasayod sa kasingkasing, tinguha, ug pamatigayon sa Dios—7:27-28; 10:1.
 - C. Isip sacerdotehanong escriba, nausa sa Ginoo si Esdras sa mapadayonong pagkontak niya Kaniya—Neh. 8:1-2, 8-9, 11-12; 12:26.
 - D. Walay bag-ong gipamulong si Esdras; ang gipamulong niya gipamulong na ni Moises—Esd. 7:6; Neh. 8:14; 2 Ped. 1:12.
 - E. Gitigom ngadto ni Esdras nga escriba ang mga sacerdote ug mga Levihanon aron makabaton og sulodnong pagpanabot sa mga pulong sa kasugoan; ang *sulodnong pagpanabot* sa Nehemias 8:13 nagpasabot sa pagsabot sa tiunayng kahulogan.
- II. Giumol pag-usab ni Esdras ang katawhan sa Israel sa pag-edukar kanila sa langitnong mga kamatuoran aron mahimong panghimatuod sa Dios ang Israel—vv. 1-3, 5-6, 8, 13-18:**
- A. Ang tuyo sa Dios sa Israel pagpakabaton mag katawhan dinhi sa yuta nga naumolag Dios aron mahimong panghimatuod Niya—katawhan nga naumol pag-usab sa pulong sa Dios—Isa. 49:6; 60:1-3; Col. 3:16.
 - B. Sa nakapauli na ang katawhan sa Israel gikan sa pagkabihag nila, badlongon pa gihapon sila, kay natawo ug nagdako man sila sa Babilonia ug na-Babiloniahanon na ang pagkaumol nila:
 - 1. Nakasulod na kanila ug naumol na sa ilang pagkatawo ang Babiloniahanonong elemento—Zac. 3:3-5.
 - 2. Sa namauli na sila sa yuta sa ilang mga amahan aron mahimong mga lungsoranon sa nasod sa Israel, kinahanglan sila nga umolon pag-usab sa pulong sa Dios—Neh. 8:1-3, 5-6, 8, 13.
 - C. Gikinahanglan ang pagtudlo ug pag-umol pag-usab aron madala ang katawhan sa Dios ngadto sa kulturang sumala sa Dios, sa kulturang nagpadayag sa Dios; nagkinahanglag daghan kaayong pag-edukar kining kulturaha—v. 8.
 - D. Sa pag-umol pag-usab sa katawhan sa Dios, mapuslanon kaayo si Esdras, kay naa man niya ang kinatibuk-an sa langitnon ug diosnong

Mensahe 5 (sumpay)

pagkaumol ug kultura, ug pinaagi niya maumol pag-usab sa pulong sa Dios ang katawhan—vv. 1-2.

- E. Gidala ni Esdras ang katawhan balik sa Pulong sa Dios aron edukahon sila pag-usab ug umolon pag-usab sa langitnong mga kamatuoran nga naa sa diosnong Pulong.
- F. Aron maumol pag-usab ang katawhan sa Dios, edukahon gyod sila sa pulong nga nigula sa baba sa Dios ug nagpadayag sa Dios—Sal. 119:2, 9, 105, 130, 140:
 - 1. Ang pag-umol pag-usab sa katawhan sa Dios pag-edukar man kanila sa pagbutang kanila nganha sa pulong sa Dios aron masuropan sila sa pulong—Col. 3:16.
 - 2. Sa mobuhat ang pulong sa Dios sa sulod nato, ang Espiritu sa Dios, nga mao ang Dios mismo, diha-dayong mopaambit pinaagi sa pulong, sa kinaiya sa Dios nga may elemento sa Dios nganhi sa atong pagkatawo; sa ingon niana maumol ta pag-usab—2 Tim. 3:16-17.
- G. Kay naumol na man pag-usab tungod sa pagpangalagad ni Esdras, nahimong talagsaong nasod ang Israel (sa hulagway), nasod nga binalaan ug ginahin ngadto sa Dios, nga nagpadayag sa Dios—Isa. 49:6; 60:1-3; Zac. 4:2:
 - 1. Tinagsa ug hiniusang giumol pag-usab ang namauling mga binihag aron mahimong panghimatuod sa Dios.
 - 2. Gipatuhopan sila sa hunahuna sa Dios, sa mga gitagad sa Dios, ug sa tanang pagkamao sa Dios; naghimo kini nilang hulad sa Dios.
 - 3. Tungod ning diosnong pag-umol, nahimong Dios ang tanan sa kinabuhi ug kinaiya; tungod niana, nahimo silang diosnong nasod nga nagpadayag sa diosnong karakter—1 Ped. 2:9.

III. Diha sa pahiuli sa Ginoo nagkinahanglan tag mga Esdras, mga sacerdotehanong magtutudlo nga nikontak sa Dios, nasuropan sa Dios, nausa sa Dios, nasagol sa Dios, napuno sa Dios, ug batid sa Pulong sa Dios; kining tawhana ang angayan mahimong magtutudlo sa pahiuli—Mat. 13:52; 2 Cor. 3:5-6; 1 Tim. 2:7; 2 Tim 1:11:

- A. Nanudlo si Ginoong Jesus sa katawhan aron ipagula sila sa satanasnong kangitngit ug dad-on sa diosnong kahayag—Mar. 6:6; itandi sa Buh. 26:18:
 - 1. Ang pagkahulog sa tawo sa sala nagbugto sa pakig-ambitay niya sa Dios, naghimo sa tanang tawo nga walay alamag bahin sa Dios, ug nisangpot kana sa kangitngit ug kamatayon—Efe. 4:17-18.
 - 2. Niabot ang Ginoo nga kahayag sa kalibotan ingog dakong kahayag aron mosidlak sa mga tawong nanglingkod sa landong sa kamatayon—Juan 8:12; Mat. 4:12-16.
 - 3. Nagpagula sa pulong sa kahayag ang pagpanudlo sa Ginoo aron makadawat sa kahayag sa kinabuhi ang mga naa sa kangitngit ug kamatayon—Juan 1:4.

Mensahe 5 (sumpay)

- B. Ang pagpanudlo mao ra ang pagpadayag, nga mao ang pag-abli sa tabil—1 Tim. 2:7; Efe. 3:3-4, 9:
1. Ang pagtudlo pag-abli man sa tabil; samtang nanudlo ta sa uban, tangtanganon gyod nato ang tabil aron naa silay makita bahin sa Tulo-usang Dios.
 2. Duna ngani tay ipamulong diha sa tigom sa iglesia, pag-abli gyod unta kana sa tabil; nagpasabot kini nga magpakita gyod untag pinadayag ang pagpanudlo nato—1 Tim. 4:6.
 3. Mangabudlay gyod ang mga Esdras karon aron moumol sa katawhan sa Dios sa pag-edukar kanila sa kamatuoran aron mahimo silang panghimatuod sa Dios, nga hiniusang pagpadayag Niya, dinhi sa yuta—Neh. 8:1-8, 13; 2 Tim. 2:2, 15; 1 Tim. 3:15.
- C. Dunay kinahabogang kamatuoran ang pahiuili—ang kamatuoran nga kahingpitan sa mga kamatuorang napahiuli sa nilabayng mga siglo—1 Tim. 2:4; 2 Tim. 2:2, 15:
1. Ang kinadak-ang panginahanglan nga tagboon gyod nato mao ang pagdala sa mga balaan sa pahiuili sa Ginoo ngadto sa kamatuoran aron magpadayon ang pahiuili—1 Tim. 2:4; 2 Tim. 2:2, 15.
 2. Naa tay objectibo ug subjectibong mga kamatuoran diha sa Balaang Kasulatan—Luc. 24:39; 1 Cor. 15:45; Rom. 8:34, 10; Col. 3:1; 1:27.
 3. Sa pagtuon nato sa Biblia, dili ta magtagad lang sa “mga sanga” kondili lalom pa gyong magtuon sa “mga gamot” ug sa “punoan.”
 4. Makita gyod unta nato ang gipatin-awng mga kahulogan sa mga lakang sa pamatigayon sa Dios ug sa Lawas ni Cristo—Juan 1:14; 1 Cor. 15:45; Efe. 1:22-23; 4:4-6.
- D. Ang maumolan sa kamatuoran kana mang maumol ang kamatuoran kanato aron mahimong tiunayng pagkamao, kun organicong pagka-umol nato—2 Juan 2:
1. Iumol gyod ang tiunayng elemento sa diosnong pinadayag nganha sa atong pagkatawo—Col. 3:16.
 2. Makasulod na ngani sa atong salabotan ang kamatuoran, magpabilin na kini sa atong panumdoman, ug sige kining madumdoman nato; tungod niana duna tay pundo nga kamatuoran—1 Ped. 1:13; 2 Ped. 1:15; 3:1.
 3. Sa makasulod na sa atong panumdoman ang kamatuoran, mahimo kining makanunayon ug molungtad-og-dugay nga til-og; duna na dayon tay pundo nga kamatuoran, ug kanunay tang matil-ogan—Col. 3:16, 4; 1 Tim. 4:6.
- E. Bansayon gyod ang tanang balaan sa pahiuili sa Ginoo sa diosnong pinadayag—2 Tim. 2:2, 15:
1. Halos nahisgotan na ang tanang mahinungdanong pinadayag sa Biblia sa pagpangalagad ni Brother Nee ug Brother Lee; magtagad gyod ta ning putli ug himsog nga mga butang ug dili mag-usik-

Mensahe 5 (sumpay)

usik sa atong panahon sa pagpangolektag “makahilong mga kalabasa”—2 Hari 4:38-41.

2. Kinahanglan matabangan tang tanan pinaagi sa mga Pagtuon-sakinabuhi ug sa Hubad Pahiuli ug sa mga nota aron makakita sa tiunayng kahulogan sa pulong sa Biblia—Neh. 8:8, 13.